



JABATAN PERDANA MENTERI
JABATAN PERKHIDMATAN AWAM

GARIS PANDUAN ANUGERAH INOVASI JABATAN PERKHIDMATAN AWAM TAHUN 2026

1.0 TUJUAN

Garis panduan ini bertujuan untuk menerangkan kepada semua pegawai Jabatan Perkhidmatan Awam (JPA) mengenai objektif, bidang dan kategori pertandingan, syarat penyertaan dan format dokumentasi projek bagi Anugerah Inovasi JPA Tahun 2026.

2.0 PENGENALAN

Anugerah Inovasi merupakan salah satu program utama di bawah Program Kualiti dan Inovasi Tahunan JPA. Anugerah Inovasi JPA (AIJPA) adalah gabungan daripada Anugerah Inovator ICT dan Anugerah Inovator Bukan ICT yang telah dilaksanakan sebelum ini, selaras dengan keputusan Mesyuarat Pasukan Petugas Inovasi Bilangan 2 Tahun 2016 untuk menggabungkan elemen ICT dan bukan ICT dalam satu anugerah sahaja. Anugerah ini merupakan pengiktirafan dan penghargaan yang diberikan kepada warga JPA yang menggunakan kreativiti untuk mencipta inovasi baharu bagi meningkatkan produktiviti serta penyampaian perkhidmatan.

3.0 OBJEKTIF

Objektif AIJPA adalah untuk:

- i. Menggalakkan penghasilan idea-idea inovasi dan kreatif dalam cara kerja yang diamalkan oleh warga;
- ii. Memberi pengiktirafan kepada hasil inovasi yang diperkenalkan oleh warga JPA;
- iii. Menyumbang kepada peningkatan penyampaian perkhidmatan kepada pelanggan; dan
- iv. Memperkenal dan menyebarkan hasil-hasil inovasi yang boleh dicontohi untuk faedah semua warga JPA.

4.0 TREK PERTANDINGAN

Trek pertandingan AIJPA adalah berdasarkan Pekeliling Kemajuan Pentadbiran Awam Bilangan 1 Tahun 2023 Garis Panduan Mekanisme Pelaksanaan Program Anugerah Inovasi Perdana Sektor Awam. Inovasi melalui konteks Anugerah Inovasi dikategorikan kepada **empat (4)** trek iaitu:

i. **Trek Sosial**

Merujuk kepada projek/ inisiatif yang memberi keberhasilan/ impak kepada keperluan sosial dalam pelbagai peringkat masyarakat.

ii. **Trek Ekonomi**

Merujuk kepada projek/ inisiatif yang memberi keberhasilan/ impak kepada pembangunan ekonomi rakyat/ negara.

iii. **Trek Infrastruktur**

Merujuk kepada projek/ inisiatif yang memberi keberhasilan/ impak kepada pembangunan infrastruktur rakyat/ negara.

iv. **Trek Keselamatan/ Pentadbiran**

- a. Keselamatan: Merujuk kepada projek/ inisiatif yang memberi keberhasilan/ impak kepada pengurusan keselamatan masyarakat/ organisasi negara; dan
- b. Pentadbiran: Merujuk kepada projek/ inisiatif yang memberi keberhasilan/ impak kepada pemodenan sistem pentadbiran dan pengurusan organisasi.

5.0 SYARAT PENYERTAAN ANUGERAH INOVASI

- i. Penyertaan adalah secara berkumpulan (minimum 2 orang dan maksimum 10 orang) dan terbuka kepada semua warga JPA dan INTAN;
- ii. Projek yang pernah dipertandingkan dalam AIJPA tahun sebelumnya tidak boleh dipertandingkan semula melainkan terdapat penambahbaikan dalam projek tersebut;
- iii. Hanya projek inovasi yang telah siap dan digunakan sepenuhnya sahaja layak menyertai pertandingan ini;
- iv. Inovasi hendaklah diterajui dan dihasilkan sendiri oleh Bahagian secara *in-house*; dan

- v. Inovasi yang dihasilkan hendaklah tidak melebihi dua (2) tahun dari tarikh diperkenalkan.

6.0 TAKWIM PERANCANGAN PERTANDINGAN ANUGERAH INOVASI JPA 2026

Bil.	Perkara	Tarikh
1.	Pendaftaran penyertaan	4 Mei - 10 Jun 2026
2.	Bengkel Pengenalan dan Penyediaan Laporan Pertandingan Horizon Baharu KIK dan Anugerah Inovasi JPA Tahun	18 - 19 Jun 2026
3.	Bengkel Pemantapan Laporan dan Persembahan Pertandingan Horizon Baharu KIK dan Anugerah Inovasi JPA	3 - 4 Ogos 2026
4.	Penghantaran Laporan	1 September 2026
5.	Pertandingan Anugerah Inovasi JPA	24 September 2026
6.	Penyampaian Anugerah Inovasi JPA	November 2026

7.0 PENDAFTARAN PENYERTAAN

- i. Borang penyertaan boleh dimuat turun melalui pautan [Borang Anugerah Inovasi JPA 2026](#).
- ii. Borang yang telah **lengkap diisi berserta pengesahan Ketua Jabatan** dalam format pdf (berwarna) perlu dimuat naik ke pautan [Penyertaan Pertandingan Anugerah Inovasi JPA 2026](#) **selewat-lewatnya pada 10 Jun 2026.**

8.0 FORMAT DOKUMENTASI PROJEK

- i. Format dokumentasi projek adalah seperti di **Lampiran A**.
- ii. Laporan projek dan slaid pembentangan hendaklah dikemukakan kepada Sekretariat Inovasi JPA melalui emel sekretariat.inovasi@jpa.gov.my **sebelum atau pada 1 September 2026**

9.0 KRITERIA PENILAIAN DAN WAJARAN PEMARKAHAN

Kriteria penilaian dan wajaran pemarkahan pertandingan Anugerah Inovasi JPA 2026 adalah seperti di **Lampiran B**.

10.0 MAKLUMAT PERHUBUNGAN

Pertanyaan lanjut berhubung Pertandingan Anugerah Inovasi JPA boleh dikemukakan kepada Sekretariat Inovasi JPA melalui:

Telefon : 03-8885 3036/ 3137/ 3132/ 3122.

Emel : sekretariat.inovasi@jpa.gov.my

**FORMAT DOKUMENTASI DAN PEMBENTANGAN PROJEK
ANUGERAH INOVASI JABATAN PERKHIDMATAN AWAM TAHUN 2026**

1.0 Perincian Projek

Dokumen perincian projek berserta pembuktian disediakan berdasarkan kriteria seperti berikut:

Bil.	Perincian Projek	Cadangan Bilangan Muka Surat (Maksimum)
i.	Muka Hadapan merangkumi: • Nama agensi • Tajuk projek/ inisiatif inovasi	1
ii.	Ringkasan Eksekutif • Penyataan masalah • Strategi penyelesaian • Kebolehgunaan projek • Impak inovasi	1
iii.	Kandungan Pembentangan	1
iv.	Latar Belakang • Tajuk dan trek inovasi • Nama Jabatan • Latar belakang kumpulan (Nama, ahli dan logo)	2
v.	Objektif projek/ inisiatif inovasi • Objektif • Pernyataan Masalah (data dan kajian)	2
vi.	Kumpulan sasaran dan faedah-faedah yang diperoleh	2.5
vii.	Penerangan projek/ inisiatif inovasi mengikut kriteria penilaian: • Berimpak tinggi • Nilai untuk wang (<i>value for money</i>) • Pendigitalan • Kemampanan	4
viii.	Pencapaian/ Kejayaan dan pengiktirafan	1
ix.	Kesimpulan	0.5
x.	Lampiran	30
Jumlah Maksimum		45

2.0 Format Dokumen

- i. Dokumen hendaklah disediakan dalam **Bahasa Melayu**;
- ii. Dokumen disediakan dengan menggunakan **font Arial**, saiz huruf yang digunakan adalah **12 poin**, **selang baris (line spacing) 1.15** serta teks ditaip **santak kiri dan kanan (justified)**;
- iii. Dokumen hendaklah mempunyai **senarai kandungan** dan **bilangan muka surat**; dan
- iv. **Bilangan maksimum muka surat** adalah seperti di Perkara 1.0.

3.0 Format Pembentangan

- i. Peserta diberikan fleksibiliti untuk memilih kaedah penyampaian yang paling **kreatif, menarik dan efektif**, namun wajib memastikan pengisian pembentangan berupaya menonjolkan nilai impak, nilai untuk wang, pendigitalan dan kemampanan inovasi tersebut secara komprehensif kepada panel penilai.
- ii. Pembentangan adalah **termasuk sebarang video dan gimik** persembahan.
- iii. Setiap pembentangan diberi tempoh **40 minit** merangkumi penyampaian pembentangan dan sesi soal jawab seperti berikut:
 - Pembentangan - 20 minit
 - Soal jawab - 20 minit

**KRITERIA PENILAIAN DAN WAJARAN PERTANDINGAN ANUGERAH INOVASI
JABATAN PERKHIDMATAN AWAM TAHUN 2026**

1.0 Kriteria Penilaian

Bil.	Kriteria Penilaian	Deskripsi	Wajaran (%)
1.	Berimpak Tinggi	i. Penyampaian perkhidmatan dari aspek keberhasilan (<i>outcome</i>) dan menepati aspirasi nasional. ii. Inovasi yang memenuhi keperluan sosial rakyat serta memberi kesan kepada pelanggan/ komuniti perniagaan. iii. Berupaya mengukuhkan ekonomi negara.	25
2.	Nilai Untuk Wang (<i>Value For Money</i>)	i. Menunjukkan nilai untuk wang (<i>value for money</i>) dan mencerminkan keberkesanan kos. ii. Menguntungkan kerajaan/ rakyat/ komuniti perniagaan dalam bentuk kewangan dan kualiti perkhidmatan serta memberi pulangan balik (<i>Return on Investment-ROI</i>) dalam jangka masa pendek/ sederhana/ panjang. iii. Memaksimumkan output yang dijana daripada sumber yang digunakan, dengan proses yang optimum.	25
3.	Pendigitalan	i. Memanfaatkan teknologi digital untuk meningkatkan kecekapan proses kerja dan produktiviti. ii. Penyelesaian efektif yang dihasilkan melalui pembangunan teknologi inovasi atau aplikasi baharu ke arah mentransformasikan penyampaian perkhidmatan kerajaan. iii. Integrasi teknologi digital sebagai	25

Bil.	Kriteria Penilaian	Deskripsi	Wajaran (%)
		pemudah cara kepada aktiviti seharian antara rakyat dan kerajaan. iv. Elemen keselamatan dan privasi dititikberatkan. v. Inovasi yang dihasilkan membolehkan perkongsian maklumat, pengetahuan dan keupayaan/ kemampuan (<i>capabilities</i>) dengan rakyat, pihak ketiga dan agensi kerajaan yang lain.	
4.	Kemampanan	i. Produk/ prototaip inovasi yang berdaya tahan supaya membawa kepada penambahbaikan dalam bidang sosial, ekonomi dan infrastruktur. ii. Penggunaan bahan yang mesra alam dan tidak menjejaskan alam sekitar. iii. Produk/prototaip inovasi yang mengambil kira keperluan peringkat komuniti/ golongan sasaran. iv. Pelaksanakan amalan perkongsian strategik dan kolaborasi bersama pelbagai pemegang taruh. v. Projek perlu menggambarkan kelestarian pengurusan sumber-sumber secara strategik, terancang, dan optimum bagi mengelakkan vi. pembaziran.	25
		JUMLAH	100

2.0 Wajaran Pemarkahan

Bil.	Perkara	Wajaran (%)
1.	Dokumen laporan	80
2.	Pembentangan/ Persembahan	20
	JUMLAH	100